

Deiliskipulagið hefur hlotið meðferð skv. 25. gr. skipulags- og byggingarlaga nr. 73/1997.

Deiliskipulagið öðlast þegar gildi.

Skipholt 62, 66 og 68.

Samkvæmt skipulags- og byggingarlögum nr. 73/1997, með síðari breytingum, samþykkti borgarráð Reykjavíkur þann 23. júlí 1999, breytingu á deiliskipulagi, samþykktu í bæjarráði 14. mars 1961, fyrir Vatnsholt, Hjálmholt, Skipholt og Bólstaðarhlíð. Breytingin lýtur að því að byggingarreitir á lóðunum Skipholti 62, 66 og 68 voru skilgreindir upp á nýtt í takt við núverandi byggðamynstur. Settir voru nýir skilmálar fyrir greindar lóðir er gera m.a. ráð fyrir 3 íbúðum á hverri lóð.

Skipulagsstofnun hefur verið sent deiliskipulagið til yfirferðar og voru ekki gerðar við það athugasemdir.

Deiliskipulagið hefur hlotið meðferð skv. 25. gr. skipulags- og byggingarlaga nr. 73/1997.

Breytingin öðlast þegar gildi.

Reykjavík, 12. ágúst 1999.

Þorvaldur S. Þorvaldsson skipulagsstjóri.

GJALDSKRÁ

vegna afgreiðslu ríkisábyrgða og endurlána ríkissjóðs.

1. gr.

Við veitingu ríkisábyrgðar eða endurláns ríkissjóðs skal ábyrgðarþegi eða lánþegi greiða auk áhættugjalds, lántökugjald og afgreiðslugjald eins og segir í gjaldskrá þessari.

1. Lántökugjald vegna endurlána ríkissjóðs skal vera 0,5% af lánsfjárhæð.
2. Vaxtakjör endurlána í íslenskum krónum skulu taka mið af síðasta útboði sambærilegra ríkisverðbréfa. Auk þess skal greiða 0,15% álag á viðmiðunarvexti lánsins. Hafi útboð ekki átt sér stað síðustu sex vikur áður en gengið er frá lánveitingu, skulu vextir miðast við vexti af sambærilegum lánnum á Verðbréfaþingi Íslands. Sé endurlánað af tilteknu erlendu lánsfé, skulu vextir vera þeir sömu og ríkissjóður þarf að greiða af hinu erlenda láni að viðbættu 0,15 % álagi.
3. Afgreiðslugjald skal greiða við veitingu ríkisábyrgða og endurlána ríkissjóðs eins og hér segir:

a) Vegna skjalagerðar og heimildaöflunar þegar ekki er þörf sérstakra trygginga, kr. 120.000.

b) Þegar um verulega skjalagerð er að ræða, heimildaöflun og/ eða teknar eru sérstakar tryggingar, kr. 240.000.

Í ofangreindum tilvikum skal allur útlagður kostnaður vegna aðkeyprtrar sérfræðivinnu við mót eða þess háttar greiðast sérstaklega.

Ekki skal greiða afgreiðslugjald af endurlánum til ríkisaðila í B- og C-hluta ríkissjóðs.

2. gr.

Gjaldskrá þessi er sett skv. heimild í 2. mgr. 4. gr. laga nr. 121/1997 um ríkisábyrgðir og 10. gr. laga nr. 43/1990 um Lánasýslu ríkisins og öðlast þegar gildi. Aðilar sem greitt

hafa afgreiðslugjald vegna ríkisábyrgða frá gildistöku laga nr. 121/1997, en fyrir gildistöku gjaldskrár þessarar, eiga endurkræfa þá fjárhæð sem er umfram það sem kveðið er á um í gjaldskrá þessari.

Fjármálaráðuneytinu, 17. ágúst 1999.

Geir H. Haarde.

Þórhallur Arason.

AUGLÝSING

um staðfestingu á breytingu á aðalskipulagi Reykjavíkur 1996-2016, Grafarholt.

Samkvæmt skipulags- og byggingarlögum nr. 73/1997 hefur ráðherra þann 20. ágúst 1999 staðfest breytingu á aðalskipulagi Reykjavíkur 1996-2016.

Gerð er landnotkunarbreyting í Grafarholti sunnan Vesturlandsvegar. Nyrsti hluti fyrirhugaðrar íbúðabyggðar breytist í athafnasvæði. Jafnframt verður hluti almenns útivistarsvæðis milli Vesturlandsvegar og Grafarholts og helgunarsvæði stofnbrauta fært undir athafnasvæði.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki borgarráðs Reykjavíkur. Skipulagsstofnun hefur afgreitt erindið til staðfestingar.

Umhverfissráðuneytinu, 20. ágúst 1999

F. h. r.

Magnús Jóhannesson.

Hrafn Hallgrímsson.

AUGLÝSING

um staðfestingu á breytingu á aðalskipulagi Reykjavíkur 1996-2016, Grafarholt (Leirdalur).

Samkvæmt skipulags- og byggingarlögum nr. 73/1997 hefur ráðherra þann 20. ágúst 1999 staðfest breytingu á aðalskipulagi Reykjavíkur 1996-2016.

Landnotkun í Grafarholti breytist þannig að tengibraut um Grafarholt, Leirdal, og Reynivatnsheiði er felld niður. Lega tengibrautar norðan Grafarholts (Reynivatnsvegur) er færð til norðurs inn á útivistarsvæði. Í norðurjaðri Grafarholts verða lóðir fyrir athafna- og þjónustusvæði og skólagarðar í botni Leirdals í stað íbúðasvæðis. Þar sem megingönguleiðir þvera umferðargötur er gert ráð fyrir undirgöngum. Á þeim hluta íbúðasvæðis á Grafarholti þar sem hljóðstig fer yfir viðmiðunarmörk mengunarvarnareglugerðar (55dB) verða útfærðir hljóðtálmur eða gerðar aðrar ráðstafanir til að draga úr umferðarhávaða.